



**Hack2Check՝  
մեդիա և  
տեղեկատվական  
գրագիտության  
հեքըրոն**



## Hack2Check Hackathon 2024

*Փաստերի ստուգման և մեդիագրագիտության լուծումներ՝ տեխնոլոգիաների միջոցով*

### Մասնակցության հրավեր

Առցանց հայտը լրացնելու վերջնաժամկետ՝ **ս.թ. մայիսի 19, ժամը 23:59**

Հանրային լրագրության ակումբը (ՀԼԱ) հայտարարում է մեդիա և տեղեկատվական գրագիտությանն ուղղված նոր **հեքըրոնի** մասին:

Միբեյի հեքըրոններ, մեդիա ոլորտի ներկայացուցիչներ. լրագրողներ, մեդիագրագիտության փորձագետներ, SS ոլորտի ներկայացուցիչներ. ստարտափերներ, SS անվտանգության մասնագետներ, ծրագրավորողներ, կրթության ոլորտի մեդիագրագիտության ուղղությամբ մասնագիտացած ներկայացուցիչներ, այս մրցույթը ձե՛զ համար է:

Մեծ ուրախությամբ հայտնում ենք ձեզ, որ **2024 թ. մայիսի 25-26-ին** (մեկնարկ՝ մայիսի 25, 10:00, ավարտ՝ մայիսի 26, 18:00) տեղի է ունենալու «**Hack2Check. մեդիա և տեղեկատվական գրագիտության հեքըրոն 2024**» մրցույթը՝ փաստերի ստուգման, թվային անվտանգության և մեդիագրագիտության կարողությունների զարգացմանն ուղղված տեխնոլոգիական լուծումներով նախագծերի համար:

Հեքըրոնի լավագույն 3 գաղափարների հեղինակներին շնորհվելու է **13,200 ԱՄՆ դոլարին** համարժեք ՀՀ դրամ՝ դրանք իրականացնելու համար:

### Վայր

Հեքըրոնն անցկացվելու է ՀԲԸՄ գրասենյակում (Երևան, Մելիք-Ադամյան 2/2): Թիմերը տարածքում կարող են աշխատել 24 ժամ: Միջոցառման ընթացքում ապահովվելու է մասնակիցների սնունդը: Մանրամասները կներկայացվեն տեղեկատվական հանդիպումների ժամանակ:

### Ի՞նչ կարող ես անել դու.

Առաջարկել տեխնոլոգիական լուծումներով այնպիսի գաղափար, որը կօգնի նպաստել մեդիա և տեղեկատվական գրագիտությանը ստորև թվարկված ոլորտներում՝ նպաստելով **թիրախ խմբերի վարքագծային փոփոխությանը**.

- Կրթական ոլորտ. նախակրթական և հանրակրթական,



**Hack2Check՝  
մեդիա և  
տեղեկատվական  
գրագիտության  
հեքըթոն**



- Ապատեղեկատվության, քարոզչության նույնականացում և դրանց դեմ պայքար,
- Թվային անվտանգության և ապահով առցանց միջավայրի մարտահրավերներ:

Նախքան մասնակցության հայտը լրացնելը, խնդրում ենք մանրամասն ծանոթանալ հեքըթոնի **Տեխնիկական առաջադրանքին**, որը կօգնի պատկերացում կազմել, թե ինչ խնդիրներ պետք է լուծեն առաջարկվող նախագծերը, որոնք են թիրախային խմբերը, ինչպիսի թվային լուծումներն են խրախուսվելու, ինչ ուղղություններ ունի այս համատեքստում միջազգային փորձը: Փաստաթղթում ներկայացված են նաև հեքըթոնի դիմորդների ընտրության չափանիշները:

**Տեխնիկական առաջադրանքը մշակվել է փորձագիտական ուսումնասիրության և քննարկումների հիման վրա, որին մասնակցել են հայաստանյան առաջատար մասնագետներ:**

Դիմորդները կարող են առաջնորդվել, սակայն չսահմանափակվել փաստաթղթում ներկայացված դրույթներով:

**Հեքըթոնին կարող են դիմել 18 տարեկանից բարձր անձինք:**

*Հեքըթոնն իրականացվելու է Հանրային լրագրության ակումբի կողմից՝ [ԱՄՆ պետքարտուղարության](#) Հանրային դիվանագիտության գրասենյակի դրամաշնորհի շրջանակում՝ Հայկական բարեգործական ընդհանուր միության հետ համագործակցությամբ ([ՀԲԸՄ](#)):*

Այս նախաձեռնությանը միացել են նաև մեր գործընկեր կառույցները՝ [Հայաստանի ամերիկյան համալսարանը \(ՀԱՀ\)](#), [«Ձեռնարկությունների ինկուբատոր» հիմնադրամը](#)՝ իր [Գյումրու և Վանաձորի տեխնոլոգիական կենտրոններով](#), [Մեդիա նախաձեռնությունների կենտրոնը](#):

**Հեքըթոնի նպատակը**

Hack2Check հեքըթոնի նպատակն է խթանել Հայաստանում մեդիա և տեղեկատվական գրագիտության մարտահրավերների և քարոզչության դեմ պայքարի նորարար լուծումների մշակմանը՝ համախմբելով երիտասարդների, տեխնոլոգիական ոլորտի մասնագետների, կրթության մասնագետների և մեդիա փորձագետների:

Հեքըթոնը տևելու է **24** ժամ, որի ընթացքում անցկացվելու են փաստերի ստուգման և մեդիագրագիտության վերաբերյալ դասընթացներ տեղական և միջազգային առաջատար փորձագետների կողմից: Մասնակիցները մշակելու են տեխնոլոգիական գաղափարներ, որոնց դեմո տարբերակները ներկայացվելու են հեքըթոնի մրցատյանի գնահատականին:

Հեքըթոնի հատուկ հյուրն է լինելու ամերիկացի մեդիավերլուծաբան, Գերմանական «Մարշալ» հիմնադրամի ներկայացուցիչ, Hamilton 2.0 հարթակի հիմնադիր և ղեկավար [Բրեթ Շաֆերը](#), որն անդրադառնալու է ապատեղեկատվության և քարոզչության ժամանակակից դրսևորումներին՝





**Hack2Check՝  
մեղիա և  
տեղեկատվական  
գրագիտության  
հեքըթոն**



ներկայացնելով այս համատեքստում միջազգային լավագույն փորձը: Նա նաև մենթորական աջակցություն կցուցաբերի հեքըթոնի թիմերին:

Դեմո մակարդակը մշակելու, զարգացնելու և կյանքի կոչելու համար հեքըթոնի ընթացքում և դրանից հետո տեխնոլոգիական, մեղիա, փաստերի ստուգման, կրթության և լրագրության ոլորտի լավագույն մասնագետները մենթորական աջակցություն են ցուցաբերելու գաղափարների շուրջ աշխատող թիմերին և տրամադրելու են խորհրդատվություններ, որոնք կնպաստեն առավել կարիքահեն և առաջատար լուծում ստանալու գործընթացին:

**Հետհեքըթոն.** Հետհեքըթոնային շրջանում (3 ամիս) մրցանակ շահած թիմերը ստանալու են մենթորական աջակցություն: Մենթորներն ընտրվելու են ՀԲԸՄ-ի փորձագիտական ցանցից, ովքեր ամենամյա պարբերական առցանց կամ անցանց հանդիպումների միջոցով աշխատելու են թիմերի հետ՝ տրամադրելով նախագծի կարիքներից բխող անհրաժեշտ աջակցություն: Ընտրված նախագծերի կայունությունն ու շարունակականությունն ապահովելու նպատակով կդիտարկվի դրանք ներդրողների, միջազգային դոնոր կազմակերպությունների, ՏՀՏ և մեղիա ոլորտի ներկայացուցիչների ներկայացնելու հնարավորությունը:

Հայտերը դիտարկվելու են ՀԼԱ և ՀԲԸՄ ներկայացուցիչների կողմից, որից հետո ընտրված մասնակիցները և թիմերը կձևանուցվեն մանրամասների և հետագա քայլերի վերաբերյալ: Հայտի լրացման գործընթացի կամ հեքըթոնի վերաբերյալ հարցերի դեպքում կարող եք կապ հաստատել ՀԼԱ Ծրագրերի ղեկավար Խանում Գևորգյանի հետ՝ [khgevorgyan@publicjournalism.am](mailto:khgevorgyan@publicjournalism.am) էլեկտրոնային փոստի միջոցով:

Հրավիրում ենք հետաքրքրված ՁԼՄ-ներին՝ տեղեկատվական աջակցության, ինչի արդյունքում հեքըթոնի իրազեկման նյութերը կներառեն լրատվամիջոցների տարբերանշաններն ու համապատասխան տեղեկություն:

\*\*\*\*\*

«Hack2Check. մեղիա և տեղեկատվական գրագիտության հեքըթոն» ծրագիրը նպատակ ունի նպաստել նորարարական լուծումների զարգացմանը՝ մեղիա և տեղեկատվական գրագիտության բարելավման ու առցանց քարոզչության կանխարգելման գործում: Ներգրավելով երիտասարդների, ՏՏ ոլորտի մասնագետների, մեղիա աշխատողների և մասնագետների՝ ծրագիրը միտված է բարձրացնելու հասարակության տեղեկացվածությունը, վերազինելու և ի հայտ բերելու արդյունավետ լուծումներ, որոնք կզարգացնեն քննադատական մտածողությունը և դիմադրողականությունը քարոզչությանը: Մանրամասները հասանելի են ՀԼԱ կայքում՝ [այստեղ](#):



**Hack2Check`  
մեդիա և  
տեղեկատվական  
գրագիտության  
հեքըթոն**



*Ծրագիրն իրականացվում է ԱՄՆ պետքարտուղարության Հանրային ղիվանագիտության գրասենյակի դրամաշնորհի շրջանակում: Հայտարարության մեջ արտահայտված կարծիքները և եզրակացությունները պատկանում են ՀԼԱ-ին, և պարտադիր չէ, որ դրանք համընկնեն ԱՄՆ պետքարտուղարության կարծիքի հետ:*